

# INUIT ATAQATIGIIT

INATSISARTUNI



Nuuk, 31. Juli 2015

Inatsisartut suleriaasianni § 37 naapertorlugu apeqquteqaatit imaattut naalakkersuisunut ingerlatippakka.

Naalakkersuisunut apeqqutit

1. **Ilumoorpa Qeqertarsuatsiaani innuttaasunik ataatsimiisitsinissaq pillugu Kommuneqarfik Sermersooq paaseqatigineqarsimannngimmatt / peqatigineqarsimannngimmatt?**
2. **Aallaqqaataaniit Nunaqarfimmi Aqutsisut pilersaarusrornermi peqataatinneqarsi-mappat?**
3. **Innuttaasunik ataatsimiisitsinissaq qanoq sivisutigisumik pilersaarusror-neqarsimava, qangalu ussassaarutigineqalerpa?**
4. **Taamatut innuttaasunik ataatsimiisitsinerni ileqquuva kommuneni pineqartumi kommunalbestyrelset ilisimatinneqartannginnerat?**
5. **Naalakkersuisuni ilaasortat pingasut aallaqqaataaniilli pilersaarutigisimanerpaat peqataanissartik, suullu tunngavigalugit peqataanissaat aalajangerneqarpa?**
6. **Suna peqqutaava politikkikkut innuttaasunik ataatsimiisitsinermi, rubinillu sammineqassatillugit Aatsitassarsiornermi Naalakkersuisoq peqataatinneqan-ginnera?**

(Inatsisartuni ilaasortaq Naaja Nathanielsen, Inuit Ataqatigiit)

## Tunngavilersuutit

Assut iluarusunnarpooq pingaaruteqarlunilu Naalakkersuisut nunatsinni angalaartarmata innuttaasunik ataatsimiisitsisarlutik. Tamanna ileqkoq pitsasuuvooq ingerlatiinnarne-qartariaqarlunilu. Kisiani assut eqqarsarnartoqartippa innuttaasunik ataatsimiisitsinissaq sioqqullugu iluamik pilersaarusrortoqartannginnera.

Ajoraluartumik Qeqertarsuatsiaani ataatsimiisitsinissaq soorluuna pilersaarusrorluarne-qarsimanngitsoq tusagassiuutit allaaserisaat ilumuussappata. Taamaappammi kommunemi politikkerit pineqartussaagaluit attaveqarfingineqarsimannngillat, naak Qeqertarsuatsiaat eqqaani rubinisiorfissaq qanittumik suleqatigiilluni ingerlanniarneqartussaagaluuaq. Naalakkersuisullu pingujuat piffissaq kingullerpaaq aatsaat ilanngussimalluni, Naalakkersuisorlu alla peqataanissaa tulluarnerpaajugaluartoq peqataanani.

Naalakkersuisut nunatsinni angalaneri innuttaasut akileraarutitsigut akiliutaat atorlugit pisarput. Siunertaapput Naalakkersuisooqatigiit politikkiat pillugu paasisitsiniaaneq kiisalu kommunenik piffinnilu innuttaasunik suleqateqarneq annertusarniarlugu. Tamanna pingaaruteqarpooq siunertariinnassallugu.

Ullut qulit suliffiusut qaangiutsinnagit akineqarnissara kissaatigaara.